



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026714 25
Sarajevo, 17.07.2025. godine

SUD BOSNE I HERCEGOVINE
S A R A J E V O
Sudija za prethodno saslušanje

Na temelju člana 35. stav 2.tačka i) i člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

Protiv:

- 1. Marko Plavšić**, rođen 1989. godine u Banja Luci, državljanin Bosne i Hercegovine,
- 2. Ljuban Vuković**, rođen 1958. godine u mjestu Prijakovci, državljanin Bosne i Hercegovine i R Hrvatske.

Što su:

Dana 25.02.2025. godine u Banjaluci, koristeći društvenu mrežu „TikTok“ sa korisničkog profila pod imenom ... pod linkom profila ..., koji profil koristi Marko Plavšić, svjesni zabranjenosti radnje, postupajući s ciljem zastrašivanja sudije Suda Bosne i Hercegovine „(...)“, kako bi je spriječili u vršenju službenih dužnosti u vezi sa krivičnim postupkom koji se vodi po zakonu Bosne i Hercegovine, koje radnje kao postupajući sudija Suda Bosne i Hercegovine preduzima u krivičnom predmetu koji se vodi pred Sudom Bosne i Hercegovine protiv optuženih „{...}“, objavu sačinili i posredstvom navedene društvene mreže Marko Plavšić i javno objavio video zapis koji je dostupan na linku: ... u trajanju 0,59 minuta, i koji je dana 25.02.2025. godine preuzet sa navedenog linka i objavljen na internet portalu ... i koji video je na dan 25.02.2025. godine pregledan 14986 puta, u kojem Marko Plavšić na početku govori: „ *Imamo sad još neke poruke za ovu sudinicu, ovu*“(…)“, što sudi našeg predsjednika, da ne misli ona da ćemo mi njega predati tako lako“, a potom Ljuban Vuković govori: „ *Draga* „(...)“ *idi kući, napravi kavu i polako razmisli, gospodina* „(...)“ *možeš komotno da zaobiđeš...*“, na što Marko Plavšić govori: „ *Tako je...mi smo spremni, mi nju čekamo...čekamo ih, je li tako?*“, a što potvrđuje i Ljuban Vuković navodeći: „*Mi smo spremni rođeni...gospođo* „(...)“ *pa*

nemojte to raditi, „(...)“ se ne smije dirati, „(...)“ je zaštićena osoba i ako dirneš u „(...)“ kao u osinjak da si dirn'o...“; te nakon što Ljuban Vuković govori da je „... potrebno da ostanemo ljudi“, Marko Plavšić dodaje: „ Ali nećemo je moliti“, misleći na sutkinju „(...)“, na šta Vuković Ljuban govori: „Možda jedanput“, na koji način su vršili zastrašivanje sudije Suda Bosne i Hercegovine „(...)“ kako bi je spriječili u vršenju službenih radnji, rukovođenja glavnim pretresom i to u fazi javnog izricanja i objavljivanja presude koje je bilo zakazano za dan 26.02.2025. godine u 13,00h u krivičnom predmetu koji se vodi protiv optuženog „(...)“ pred Sudom BiH, a na koju posljedicu su pristali.

Dakle, zajedno zastrašivali sudiju kako bi je spriječili da vrši službenu dužnost u vezi sa krivičnim postupkom koji se vodi po zakonu Bosne i Hercegovine,

Čime su počinili krivično djelo Ometanje rada pravosuđa iz člana 241. stav 2. Krivičnog zakona BiH, u vezi sa članom 29. istog Zakona.

TUŽILAC
TUŽILAŠTVA/ TUŽITELJSTVA BiH